

Sacra canunt, festum gratantiq; ore laceffunt.  
Huc & Hamadryadas properare, & Oreadas, omnes  
Et vicina uidas linquentes Najadas antra  
Vidiffes, agitare Deasq; Deosq; choréas,  
Et teneris Satyros immistos ludere Nymphis,  
Panaq; Silvanumq;, & agrestia numina Faunos,  
Ludere, & in numerum victricis occurrere DIVÆ.  
Complentur vallesq; cavæ, viridesq; recessus.  
Ipse Pater vasto fluidos è gurgite vultus  
Spumifer attollens Albis sacra numina caussam  
Conventusq; moræq;, & quis novus hospes adesset,  
Pofcit, & ire jubet jam lætas lenius undas.  
Conscia dat signum tellus, & lucidus æther,  
Flammivomi summis effulgent nubibus ignes,  
Omina sacrato spondentes læta triumpho.  
Tum primùm illustris procedunt fercula pompæ,  
Arte laboratis surgentia pegmata ramis,  
Et tabulæ, & captis longo ordine prælia signis,  
Prælia quæ toto victrix commiserit orbe  
DIVA VENVS, Venerisq; genus Puer ille Cupido,  
Innumerum quorum numerum numerare liceret,  
Si guttas pelagi innumeras numerare liceret.  
Hæc sequitur simili prædives copia tractu,  
Quæ spolia exuto peperit sibi fortiter hoste,  
Digna Deâ spolia, exuvias hominumq; Deûmq;.  
Heic Iovis extortum rutilabat in ordine fulmen,  
Terrificans animos hominũ, & vaga murmura miscēs,  
Negle-